



Russia ya Europe asoshi
timtem lir: Macron

Mushfiqur Rahim ODI
asaya nungi anenogo



CM Rio-i 2025-26 atema sen 24849 cr budget benok

Kohima, Metsüremi/March 06 (TYO): Brehostibarnü Nagaland Chief Minister Neiphiu Rio-i 2025-26 atema zero balance budget benokogo.

Chief Minister aser minister in-charge of finance, Neiphiu Rio-i State Assembly nung Budget 2025-26 benokdang aruya aliba fiscal mapang state senpongi lenmang balala nungi sen 24849.01 crore aittsü aser sen 24699.01 crore indoktsü asadangtetba metetdaksü.

Public account kübok surplus sen 150 crore shi indoktsü aser yangji pension, taa (wages) amala agütsüba dena lir, ta pai ashi.

Fiscal tasenba mapang tarutsü aser teindoktsü ya sako dang asadangteta lir, saka 2024-25 atema estimated deficit balance sen 843.21 crore liasü asünungji, 2025-26 küm asoshi negative balance kasa alitsü, ta ashi.

State meyong Tax aser Non-Tax revenue ya sen 2472.13 crore asütsü imlar aser Central Taxes nung state share ya sen 8093.70 crore asütsü, Central Assistance (Grants & Loans) sen 8216.25 crore, Internal Debt (RBI nungi WMA densemaI) sen 6065.41 crore, Recovery of Loans and Advances by State Government sen 1.52 crore aser ajak senteper sen 24849.01 crore alitsü.

Teindokba tsütsü Non Development Expenditure atema sen 12949.72 crore ayur, Servicing of Debt (including repayment of Ways and Means Allowance) atema sen 5930.05 crore aser Development Expenditure (CSS densema) atema sen 5819.24 lemozütsü, anungji ajak agi sen 24699.01 alitsü, ta CM Rio-i ashi.

"2025-26 atema lenmang balala nungi tarutsü aser teindoktsü ya kasa asütsü asadangteta lir Ajisiüaka negative opening balance mechi 2025-26 ya negative balance sen 843.21 crore nung tembangtsü imlar," ta pai ashi.

State sponsored programmes tongtipangtiba pezü - CM Health Insurance Scheme, CM Life Insurance Scheme, Credit Empowerment Summit & Micro Finance Initiative Expansion and Integrated Business Hub & Innovation Centre - yabo maneni agütsütsü, saka sentong tasen metenzüktsü ta ashi.

Nagaland Skill Mission ajanga FY 2025-26 nung lanur 5,000 nem self-employment aser private sector employment tsütsü CMMFI den sendakteper training agütsütsü nükjidong lir.

Living Morung Initiative nükjidong ya Naga nunger sobaliba wazüka aser

asendenshitsü nükjidong lir aser iba atema Department of Art & Culture nem sen 5 crore lemozüktsütsü aser tarutsü putu asoshi Naga nunger sobaliba wazüka ayutsü asoshi tribal councils aser elders tem den inyakttsü.

Nagaland indang energy deficit tebilemetsü bentettsü asoshi State Solar Power Mission-i PM Surya Ghar: Muft Bijli Yojana (Solar Rooftop Power Generation Mission) den sendakteper Nagaland State Solar Power Mission tenzüka subsidy balala agütsütsü aser iba atema sen 10 crore lemozüktsü.

(Maneni tapak 2 nung...)

Ali rakzüka agiba ajanga Dimapur Railway Station mainer: P Paiwang Konyak

Kohima, Metsüremi/March 06 (TYO): Temelaba makai ali agiba ajanga Amrit Bharat Station Scheme kübok Dimapur Railway Station nung terenlok mapa inyakttsü makoker aser tetsükdakba ajurur, ta Minister in charge of Transport Department, P Paiwang Konyak-i tanü ashi.

State Assembly nung tasüngdangba kar langzüdang, iba station ya phase ana nung terenlok

mapa inyak ta metetdaksü.

Ajisüaka Phase 1 nung ali atsünga arua agir 92 aser Phase 2 nung 1,067 lir, anungji tang tejembidak court cases 40 lir aser itemji Dimapur District Judge kübok 39 aser ka Gauhati High Court Kohima Bench nung lir, ta pai ashi.

Ken o metembang tashi ali azüngtetdaksüba mapa meinyakteter, ta Minister-i ashi.

Mokokchung Police-i injang prangpong aika apu



Mokokchung, Metsüremi/March 06 (TYO): Mokokchung Police-i 2025, March 05 nü Yajang Lenjem, Tuli anasa Saring tsütsülen nungi aruba AS/12 injang prangpong aika puogo ta Mokokchung Police sangdong ka nung Additional Superintendent of Police & PRO ajanga metetdaksü.

Mokokchung Police-i apubatemji M 4 Rifle-1, .32 Pistol-2, .22 Pistol-1, 30 rounds of 5.56 mm ammunition, 30 rounds of 32 ammunition, 20 rounds of .22 ammunition, magazines-4, smart phone-4, Key Pad B/W Nokia Phone-1, Walkie Talkie hand set-2 aser sen Rs.11350/- liasü.

Iba maparen dak sentakba nung NSCN (Khangö) telok nungi arishi

küm 38 SS Captain Sentitemtsü S/o Imsuneken V/o Wameken P/A Chumoukedima, arishi küm 36 tain SS Captain Limaakum S/o Tiajungba V/o Akhoya P/A Thilixu B-5, arishi kum 41 tain SS Major Benjunglemba S/o Bendangmongba V/o Nokpu P/A Padumpukri Dimapur, arishi kum 44 tain SS Lieutenant Temsumongba S/o Late Rongsentoshi V/o Lirmen Nokpu P/A Padumpukri, arishi kum 34 tain Hovito S/o Hokikhe Sumi V/o Lovishe Aghunato P/A Purana Bazar, Dimapur par pungo apu aser Tuli Police Station nung case register süa lirta kasa sangdong nungsa Additional Superintendent of Police & PRO ajanga metetdaksüogo.

Nagaland Assembly nung bill ana agizükogo

Kohima, Metsüremi/March 06 (TYO): Brehostibarnü Nagaland Assembly nung sorkar indang bill ana agizükogo - ka town planning law yanglushitsü aser ka state nung investment atema government agency amenoka aliba jangjashitsü atema lir.

Bill ana ya Assembly nung Mongulbarnü benoka liasü.

Brehostibarnü Chief Minister Dr. Neiphiu Rio-i Nagaland Town and Country Planning (Fourth Amendment) Bill, 2025 ya jembir agizüktsü benok aser Deputy Chief Minister TR Zeliang-i "Investment and Development Authority of Nagaland (Validation) Bill, 2025 onük benoka liasü.

Town planning indang tang aliba ozüng nung sorkari town planning schemes aser peri-urban areas atema chapter ana inok, ta CM Rio-i ashi.

Town Planning Scheme nungya anasatapa aliba ali kibur dang nungi jelia temelaba agir ali lazüktsü aser lenmang, school,

mozüki, parks amala public amenities atema jungjunga asameyanga lateta ayutsü, ta pai ashi.

Peri-urban areas ya yimtsüng nungi jila akumba zones aser item ya timba jila den metentepa alir. Mapang tetemsü nung iba amala tesemtem jila akumer, anungji iba amala tesemtem jangjateta sangdongtsü aser nüngdakba Master Plans renema iba amala tesemtem kanga junga renloktsü nüngdaker, ta CM-i ashi.

Deputy CM Zeliang-i Investment and Development Authority of Nagaland (IDAN) Notification ya June 25, 2018 nung agütsü saka Nagaland Assembly nung kodanga mebenok, ta ashi.

Iba yongji lokti tentet balala aser union ministries ajanga iba sangdong temeden aser Investment Promotion Agency ka ama IDAN inyakyim indang temulung melemi asüngdanga arur, ta pai ashi.

Anungji 2018 sangdong ya

tejangja kumdaktsütsü mechi iba bill ya Assembly nung benok, ta Zeliang-i ashi.

Iba temelenshi atema Assembly Secretariat ajanga asüngdang, aser züngsem 60 aliba House nung opposition mali asünungji shingaia tasüngdangba meliasü.

Iba sülen NLA Speaker Sharingain Longkumer-i vote agitsü atema Bill ana ya benok aser ajaki mulunga voice vote ajanga agizüka liasü.

Maneni Chief Minister-i bill tasen asem, "The Rules for Administration of Justice and Police in Nagaland (Fifth Amendment) Bill, 2025", "The Nagaland Work-Charged and Casual Employees Regulation (Second Amendment) Bill, 2025" aser "The Nagaland Goods and Services Tax (Tenth Amendment) Bill, 2024" benoka liasü.

Iba bill ya asüng jembia agizüktsü, ta NLA Speaker-i metetdaksü.

Nagaland CM Rio-i FMR & PAR atema assembly pangzüng benok

Kohima, Metsüremi/March 06 (TYO): Centre-i Indo-Myanmar arütsü nung Free Movement Regime (FMR) ajemtsü telemtetba agiba aser Nagaland nung Protected Area Regime (PAR) tanaben benokba nung Assembly pangzüng ka yanglutsü atema Brehostibarnü Nagaland Chief Minister Neiphiu Rio-i ken o benoka liasü.

State Assembly nung tang temendak Budget Session asemnü buba nung MLA A. Nyamnyei Konyak-i FMR indang asüngdangba langzüdang, Rio-i tawa North Eastern Council senden nung aser January 6 nü state cabinet mmeting nung FMR aser PAR indang benoka jembiba indang lemsatep aser Home Ministry dang telemtetba anaprong lepa repringshitsü

lemteta liasü.

Nüngdakba documents tem Home Ministry dangi yokogo saka tanü tashi telangzüba kecha mali, ta pai ashi.

FMR aser PAR ya state ajunga asoshi lir aser NLA nung züngsem 60 ya nüburtem tenüng nung lir, anungji züngsem 60 lungjemer Ministry of Home Affairs nem angashidaktsütsü asoshi House nung pangzüng ka agizüka pa nem sangdong agütsüdaktsütsü tim, ta Rio-i ashi.

Elected members tem den Eastern Nagaland Peoples' Organisation nungi teshimtet nisung temi Home Ministry ajurutettsü, ta pai ashi, kechiaser FMR yagi ENPO kübok timba kongshir.

Border Area, tetetzü Indo-

Myanmar arütsü anatsülen kilometre 10 telungzük nung alirtem arütsü alema senzütsü mela Government of India-i totuyuba agüja lir.

Arütsü alema senzüsempontsü asoshi crossing points 43 shimteta lir aser Nagaland nung border crossing points toku lir aser itemji Kiphire nung asem, Meluri nung ana, Mon nung ana, noklak nung ana lir.

MHA-i Nagaland sorkar dang Myanmar senso tem par arütsü alema aitiba meita mapang atakzüktsüba alema alirtem mesüra temelaba magi maparen balala inyaksangshiba atema tapet mera agitsü asüngdang, ta Deputy CM Y Patton-i ashi.

Ajisüaka Nagaland tsütsü atsiü atsütsü atema state sorkari work order bo magütsü, ta pai ashi.

Apparel Technology Workshop ka ayongzüka agi



Mongken Apparel Unit, Sovima, Chumoukedima nung Apparel Technology Workshop agiba mapang sentong nung shilem agirtem nem advance machinery balala amshitsü sayuogo.

Dimapur, Metsüremi/March 6 (TYO): Ministry of Micro, Small and Medium Enterprises, Department of Industries and Commerce kübok tang agia aliba RAMP program nung shilem ka ama Nagaland Industrial Development Corporation (NIDC) den longjemer Department of Underdeveloped Areas (DUDA)-i teyari agüja March 4 aser 5 nü Mongken Apparel Unit, Sovima, Chumoukedima nung "Apparel Technology Workshop: Redefining Tradition with Tech" ka agiogo.

Ajak senteper iba sentong nung Nagaland kübok tesem balala nungi entrepreneurs aser MSME 58-i shilem agia liasü.

Kinük nung aliba tesem nungi arurtem atema tanendak renemja liasü. Iba workshop ya handloom techniques tasentem indang shisatsü agütsütsü, modern fashion den sobaliba lokteptsütsü, fabric shimsü,

textile printing, advanced industrial machinery amshiyim, aser skill development dak sendakba nung tangazükba agütsütsü nükjidong nung ayongzüka liasü.

Workshop nung technology clinics trok agi, kong fusion of handloom weaving & modern technology, fabric tapu balala angatetba, textile printing technologies, motifs aser patterns tem digitization, optimizing apparel production workflow aser production nung sustainable practices amala onüktem dak ajemdaker agia liasü.

Sentong nung shisalen sayurtemi Vilhousa Movi, Vekuvolu Dozo aser Mongken Apparel Unit nungi team ka densema liasü.

Workshop mapang shisalen sayurtemi contemporary ready-to-wear garments tem nung traditional tribal motifs tem inoka yanglutsü ajungshia liasü. Parnokisa, breathable,

weather-friendly fabrics tem amshia shishilemba dak takhangba aliba süoshitem yanglutsü ajungshiba den print aser digital media ajanga shishilembatsü koda tongtibang iba indang lemsatepa laisü.

Mongken team-i apparel design atema Illustrator amshiba indang sayu. Sentong nung shilem agirtem nemsam embroidery machines, buttonhole and button stitching machines, overlock and interlock sewing machines, single needle sewing machines, fabric cutting machines, digital textile printing (Pre & Post Digital Textile Machine), Direct to Film (DTF), Direct to Garment (DTG), sublimation printing machines, aser motif digitization atema CAD software amala amshiyim sayua liasü.

Workshop ya RAMP team aser Mongken Apparel Unit in charge Yanger Lemtur-i tepela o jembir tembanga liasü.

Mahila Arogya Samiti Trainers tem training agi

Dimapur, Metsüremi/March 6 (TYO): Mahila Arogya Samiti (MAS) dak sendakba nung Dimapur, Kohima, Mokokchung, Tuensang, Wokha aser Mon nungi District Consultant, National Urban Health Mission (NUHM), District Community Mobiliser, Block ASHA Coordinators, Block Program Manager, General Nursing & Midwifery, Auxiliary Nursing & Midwifery, Data Entry Operator, Vaccinator & Community Health Officer tem anogo ka atema Training of Trainers (ToT) sentong Directorate of Health & Family Welfare, Kohima, Nagaland indang IDSP Hall nung March 6 nü agiogo.

Sentong nung o jembiba mapang Mission Director, National Health Mission,

Nagaland Dr. Akuo Sorhie-i, MAS ya lokti nung tetsürtem nem tashi agütsütsü aser parnok pei lokti Health & Well-being nung indang indanga shilem agidaksütsü nükjidong nung tenteta liasü, ta ashi.

Laisa, MAS indang khuret tongtibang rongnung kaji community health planning nung shilem agitsüba lir, koba ajanga kati ka dak temulung lemtepa aser sadok sadoka lemsateptsü asoshi lenmang lapoktsütsü, aser iba ajanga nüburtemi teyari meshitsü, service balala agitsü aser pei health anepalutsü atema jenjang agitsü atema satok satoka bilemteptsü.

Training nung shilem agirtem nem MAS indang Aims and Objectives, Community Health Planning, Maintaining records aser funds, Monitoring dak

sendakba nung tangazükba agütsütsü aser iba sülen parnok pei district nung MAS züngsemtem nem tangazükba agütsütsü.

Mahila Arogya Samitis (MAS) ya tesem temeket ka nung aliba tetsür 8 nungi 12-i tentetba teloktem lir, koba jila balala nung kibong 100 shia nung kaka tentettsür. Item teloktem ya pei kiyong nung health planning, health indang social determinants atema jenjang agitsü aser local services ajak asadangtsü atema tentetba lir.

State nung tang Urban Primary Health Unit ya Districts pongu nung amenokogo aser Mon District nung tang tinyakdak lir. Tanungba district tem nungi taruba kümtem tsüngda shilem balala küma lemsar amenokyonga aotsü.

CM Rio-i 2025-26 atema sen...

(TAPAK 1 NUNGI...)

Drone Training Centre ajanga job-linked training programs tem private partners den lungjemer employment oriented certified training, talisa drone pilot, drone service technician, drone software developer, drone survey master, drone surveillance master amala agütsütsü aser iba atema sen 2.5 crore lezmzütsü.

Development blocks 20 nung tang tashi banking services mali, aser item tesemtem nung sorkari yaria lenmang aser ki anepalutsütsü aser item tesem nung sorkar transactions ajak bank ajanga tsütateptsü, ta

Nagaland CM & Minister in-charge for Finance, Rio ajanga ashi.

Tarutsü lenir aser policy yanglurtem anitettsü atema Chief Minister's Fellowship Program tenzütsü aser iba atema sen 2.50 crore lezmzütsü.

Trade, tax compliance aser logistics tajungtiba nung ketdangtsütsü asoshi RFID-Based E-Way Bill Processing benoka manual inspections melentsü, mapang tali agiba ajemtsü aser rebenu samaba ajemdaksütsü.

Taküm Nagaland State Transport (NST) atema bus 40

dak tema benoktsü, ta pai ashi.

Arütsülen aliba yimtsüngtem nung nüngdakba terenlok maparen tekeraba nung inyaktü mechi sen 15 crore lezmzütsü aser ibaji amshia ki o jen, lenmang, power aser tzu supply agütsütsü, ta pai ashi.

Fiscal tasenba nung terenlok maparen balala inyaktü atema State Plan nungi sen 190 indoktsü, koba taoba küm dang nungi shilem 18 agi timba lir.

2024-25 mapang sector balala nung terenlok mapa atema sen 1010 crore lezmzütsü, saka 2025-26 atema sen 1200 crore lezmzütsü, ta CM Rio-i ashi.

DoSE-i PEN indang metetdaksü

Dimapur, Metsüremi/ March 6 (TYO): Directorate of School Education-i sangdong ka ajanga, school tekolak (sorkar aser private) ajak dang PEN (Permanent Education Number) aser Aadhaar ID maliba ajanga kaketshirtem admission agitsü nungi menokdangtsü, ta shiogo.

School ketdangsurtemi tsürapurtem nem par tanur Aadhaar Enrolment Centre anatibai anir oa tenüng züngoksemtsü atema

tangazükba agütsütsüla aser Aadhaar nung züngoksemba sülen school nem agütsütsü metetdaksütsüla, kechiyong APAAR ID generation atema iba ya kechi südir süaka nüngdaker.

Kasa mapang nung PEN maliba kaketshirtema school-i admit süja parnok indang details EBRCs nung missed-out student ka ama submit sütsütsüla, koba parnok indang PEN generate asütsü atema UDISE+ portal nung upload asütsü.

NIF Silver Jubilee nung Moasubong tushi



Dimapur, Metsüremi/March 6 (TYO): March 1 aser 2 nü Vigyan Bhavan, Science City, Ahmedabad nung National Innovation Foundation (NIF) Silver Jubilee mungogo. NIF ya 2000 küm March ita tenzüka aser iba ya Department of Science and Technology, Government of India kübok autonomous institute ka lir.

March 1 nü Nagaland nungi Moasubong-i session ka agiba mapang pai Bamhum yangluba indang jembia. Iba sentong nung India kübok tesem balala nungi innovator 11-i "Transforming Ideas into Solutions" onük nung ajemdaker jembia liasü.

Iba sülen nikongtsütsü sobaliba sentong ka agiba mapang Abiogenesis nungi Arenla aser Moa nati Bamhum aser Tikzik amshia ken asem tena liasü.

March 2 nü sentong nung Hon'ble Minister of Science &

Technology Dr. Jitendra Singh-i virtual mode ajanga Silver Jubilee benjungmung nung shilem agia o jembia. O jembiba mapang pai Ato Kilonser Modi indang Virasat Bhi, Vikas Bhi," nükla indang jembia aser India indang takar sobaliba shisatsütem modern technology den loktepba indang jembia liasü. Benjung nung shilem ka ama Dr. Singh-i postal stamp ka, 'Innovation Frontline' ta nüngja agütsür magazine ka aser coffee table book ka sayaja liasü.

Sentong nung Moasubong densema Padma Shri awardees ti nem tetushi agütsü. Parnok ti rongnung Moa densema awardees pezü nem parnok tajangshiba lemsateptsü atema maangka agüja liasü. Sentong nung Minister of MSME (State), Govt. of Gujarat Jagadish Vishwakarma tetushi tejaoker liasü.

Home department-i metetdaksür

Dimapur, Metsüremi/March 6 (TYO): Home department-i sangdong ka ajanga, Nagaland Civil Secretariat security upgrade asütsü atema Gate No.1 amshiba car pass holders ajak dang March 25 nü tashi nung Home Department (SAB-A) indang prescribed format nung parnok indang osang

tejangja fill up süa Ultra High Frequency (UHF) Tag agitsü metetdaksügo.

Automatic mode dak sendakba nung UHF tagged gate pass ya April 1 nü nungi tenzüka amshitsü aser UHF tag maliba garitem Gate No.1 ajanga aitsü memelatsü, ta kasa sangdong ajanga metetdaksü.



March 06, 2025 nü Shimla nung lawyer temi Advocate Amendment Bill anema longkak aيتدang tangokba noksa nung angur.

ED-i asüngdangyatsü atema US nungi meindoker nisung 11 jaoker

Chandigarh, March 06 (Agencies): America-i oa alitsü jangrar India nungertem aika travel agents-i ashiohtsür, aser item ama travel agents

nokdangtsü nükjidong nung Enforcement Directorate (ED)-i asüngdangyatsü atema tawa US nungi meindokba India nunger 11 jaokogo, ta osang ka ajanga metetdaksü.

ED-isa PMLA kübok bushisüngdang tenzükogo.

Osang angazükba agi, ED-i nisung 11 anogo balala nung Jalandhar nung aliba office-i jaokogo. Parnok 11 nungjagi ka Haryana nungi lir aser tanünga 10 ji Punjab nungi lir.

State ketdangsertemi Amritsar airport nung US nungi meindokba nisung kar dang asüngdangyaa liasü. Parnok

US-i aotsü atema nisung shiai travel agents nem sen lakh 40 nungi sen lakh 50 tashi agüja liasü.

Trump administration-i özüng alema US-i arua alirtem meindoktsü atema maparen tenzükba sülen özüng alema US nung oa alir India nunger shilem pezü lemsar US nungi meindoka liasü. US nungi meindokba India nungertem rongnung parnok 131 bo Punjab nungi liasü.

ED-i US nungi meindokba India nungertem dak sendakba nung bushisüngdang tenzükogo. Parnoki mezüing nisung 15 dak sendakba osang bushisüngdang aser iba nungjagi nisung 11 indang osangbo tejangja metet.

US nungi meindokba India nungertemi tashishiba balala

metetdaksüba nung ajemdaker Punjab Police-ia FIR 20 dak tali benokogo.

Travel agents aikati tim lenmang ajanga US-i anir aotsü nangzüka India nunger aika ashiohtsür. Parnoki linük balala ajanga tim masüba lenmang ajanga US-i anir aoer. Lenmang nungi timtem aika ajangshiba sülen parnoki Mexico atonger, iba sülen arrtsü adena US telungi air.

February 5 nü mezüing US sepaitem tayimtsü ka nung India nunger 104 anir aru, iba sülen February 15 aonung India nunger 116 anir aru.

February 16 nüa India nunger 112 anir aru aser tesüsa February 23 nü Turkish Airlines tayimtsü ka nung Panama nungi India nunger 12 anir arua liasü.

NEP dak sendakba ken o ka Supreme Court nung benokogo

New Delhi, March 06 (Agencies): Tamil Nadu, Kerala aser West Bengal state tem nung National Education Policy (NEP) benoktsü atema takhangba agüja Supreme Court nung temepishiba ken o ka benokogo.

Advocate GS Mani-i, linük temzüing kübok item state temi NEP benoktsüla aser NEP benoktsü atema Memorandum of Understanding (MoU) tezüingzüktep agitsüla, ta metetdaksü.

NEP kübok Hindi oshi

benokba aser Tamil Nadu Chief Minister, MK Stalin-i NEP kübok oshi asem policy anema nokdakba mapang ka nung SC nung ken o benoker.

Tang Tamil Nadu nung aliba school tem nung Tamil oshi aser English oshi na dang benoker.

Tamil Nadu state sorkari, Hindi mejembiba state tem nung Hindi oshi kangshia benoktsü atema Centre sorkari NEP amshir, ta aitsür.

SC nung ken o benokeri, MK Stalin-i NEP kübok oshi asem policy anema nokdakba ya

yimteneren tsütsülen nungi lir, ta metetdaksü.

Supreme Court-i state sorkar ka dang mapatong benoktsü atema tetuyuba agütsütsü makok, ajisüaka linük temzüing kübok aibelen lira tetuyuba agütsütsü atema court dak tashi lir.

Mani-i, item ama tetuyubaji ajanga state sorkari tashi angatsüsa akümtsü, ta ashi.

Paisa, NEP ajanga Hindi oshi kangshia mebenoker saka özüng kübok state temi NEP benoktsüla, ta metetdaksü.

Linük nung minorities nüburtem ya tia takartem lir: Kiren Rijiju

New Delhi, Metsüremi/ March 06 (Agencies): Brihostibarnü Parliamentary Affairs & Minority Affairs Union Minister, Kiren Rijiju-i, India nung minorities nüburtem ya tia tekataba nüburtem lir, kechiyong sorkari parnok nem welfare programmes aser schemes balala ajanga teyari agütsür, ta metetdaksü.

States aser union territories atema Pradhan Mantri Jan Vikas Karyakram (PMJVK) training workshop aser review senden nung jembidang Rijiju-i, nisung karibo India ya minorities kümzüka maliba linük ka ,ta tiyazü osang proker, ta ashi.

"India nung minorities kümzüka mali ta nisung kari tiyazü proker aser nisung kari linük nung minorities bendangshidanga züingshir ta jembir. Itemji khenyongi tiyazü," ta pai ashi.

"India nung minorities ya tia tekataba nisungtem lir, kechiyong minorities atema scheme aika lir. Alima tesem kecha nunga minorities atema schemes temeja mali," ta pai ashi.

Paisa sensotem dang states aser Central sorkartem naprongla indang welfare schemes jangjatsü ajungshia liasü.

Kerala state atishia pai, Kerala nung nütsüing shilem 44

bo Khristan aser Muslim nütsüing lir, anungji linük nung minorities teimba aliba region rongnung iba region (south) ya densema lir, ta metetdaksü.

"Anungji iba state dangi scheme teimba arutsü. Kerala state sorkari project mesüra programme kar Centre sorkar nem reprangdaksünüra onoki mapang shidak nung teyari agütsütsü aser alia oa anepalutsü," ta pai metetdaksü.

Paisa, Union Minister of State for Minority Affairs George Kurian ya Kerala nungi tongti lenir ka lir, anungji ibaji ajanga state-i maongka tali angutsü, ta ashi.

Linük nung Pradhan Mantri Jan Vikas Karyakram (PMJVK) kübok loan teimba anguba aser tajangzüik angurtem teimba aliba state tem rongnung Kerala densema lir, anungji iba ya takok anguba otsü ka lir, ta pai metetdaksü.

Pradhan Mantri Jan Vikas Karyakram (PMJVK) ya Centrally Sponsored Scheme (CSS) ka lir aser iba scheme kübok tesem balala jangjaba sülen terenlok mapa inyaktsür.

Rijiju-isa, taruba Lok Samvardhan Parv ji August ita nung Kerala nung ayongzüiktsü, aser kokra ni-a arua adentsü, ta metetdaksü.

NHRC-i KIIT University nung Nepal tsür ka asüba bushisüngdang tenzükogo

Bhubaneswar, March 06 (Agencies): Brihostibarnü National Human Rights Commission (NHRC)-i tawa Odisha nung aliba KIIT University nung azünger Nepali tsür ka asüba tatalokba bushisüngdang tenzükogo.

NHRC team jagisa iba institute nungji staff temi Nepali nunger kaketshirtem anema inyakba-a bushisüngdangtsü.

Joginder Singh, Registrar (Law) leniba nung NHRC team ji tayimtsü ajanga Odisha tonga aruba sülen KIIT University-i indangindanga ao.

Osangbener den jembidang Singh-i, "Onoki commission-i tuyuba ama shidak inyaktsü," ta metetdaksü.

February 16 aonung KIIT nung Computer Science student

arrshi küm 20, Prakriti Lamsal hostel takdang nung sür lia angu.

NHRC-i team dangji March 10 tashi nungbo report agüjang, ta tuyuogo.

Nepal National Human Rights Commission-i India NHRC dang kaketshir ka asüba tatalokbaji bushisüngdangtsü aser KIIT University nung staff temi Nepali nunger kaketshirtem anema inyakbaji bushisüngdangtsü mepishia liasü.

Osang angazükba agi, KIIT nungji engineering student kati Lamsal amokmerena liasü, iba sülen lai soseta asü südi ta bilemer.

Iba dak sendakba nung police-i February 17 nü engineering student ka apu aser tang pa judicial ket nung lir.



March 06, 2025 nü Ato kilonser Narendra Modi-i Uttarkashi district kübok Harsil semdangba mapang tangokba noksa nung angur.

GOVERNMENT OF NAGALAND DIRECTORATE OF SCHOOL EDUCATION

NAGALAND : KOHIMA

ADDENDUM

Kohima Dated the th March 2025

No. ED/EST/GR-IV/SDEO-TSMYU/2022: In continuation to this Office Advertisement No. ED/EST/GR-IV/SDEO-TSMYU/2022/283 dated 24-02-2025 and Government directive vide No. DSE/APPT/TSE/Gr-III&IV/3-291/15/363 dated 26-03-2024, an addition of one (1) post of MTS/Sweeper at the Office of the Sub Divisional Education Officer, Tseminyu is hereby made in addition to the previously advertised 1(one) post of MTS at GHS Sendenyu.

1. The terms and conditions remain the same
2. Applicants do not need to submit separate applications.

(THAVASEELAN K) IAS
PRINCIPAL DIRECTOR



TIR YIMYIM YIMOBILEM (EDITORIAL)

DIMAPUR FRIDAY, MARCH (METSÜREMI) 07, 2025

Yi agi kodaser gate ajanger ?

Yakanü Chuchuyimpang anasa National Highway nung Mokokchung police-temi süisüponger garitem mitba mapang Ashok Leyland truck gari tuluka nung yi sünga bener Mokokchung town leni ooya lia apuba mapa jagi asenok mulungjang nung tasüngdangba aika agütsür. Iba gari nung bena aliba yiji rum case 790 liasü aser tia junger majungka yi abenertem rongnungji Aor chanubo mali asü. Atangji, yi abenba gari nungji asen nisung maliyonga, ashiko, mapa nungjibo dena alitsüa akok. Ajisüaka, yiji shibai abener ta asüba dang nungibo yiji tsümalen nungi gari tuluka nungji bener Nagaland gate atena kodaser Mokokchung tonga atuteter ta asübajiang temetetnüsüka aser shisabolutsüka lir. Atangji, Nagaland nung yi meyanglutsü aser mayoktsü azünyonga yi majemtsübo ozüng zünga malinungji, yi ajemerbo aika lir, anungji tayoker nüngdaker, ibayongji yi meyanglutsü aser mayoktsü ozüng lateta aliba ya tamakok angur aser iba tamakokji Nagaland gate nungi tenzüker. Aji oda, yakanü Mokokchung police-temi Mokokchung nung apuba yi abenba truck gariji kodang aser kwi ako nung Nagaland gate süi, iba mapang shirnok Nagaland gate nungji mitkar liasü ta bushisüngdanga onütsüka iba tatalokba ya atalokogo. Ashiko, Nagaland gate nung alirtem jagi kuli tapu-tapu ashitsüa akok saka truck gari ka sünga yi bener gate ajanga süidaktsüabajibo odangbo masü aser angatia masütsü. Iba amajisa yi gari sünga - sünga bener Nagaland telongi aitdaktsüba agi Nagaland nung yi mayoktsü ozüng lateta aliba ya tamakok angur. Aji oda, yimti süngküm anükertem tsükchir nem mesüzükdaktsü nungbo yimti nung alirtem kodaser kümzüksü ? Asenok aikati Nagaland nung yi mayoktsü ozüng lateta yur tamakok anguba ya yi jemer dang atonger aser ano arogo nungertem nüngsena jembir, saka tamakokji süngküm anükertem nungi tenzüker. Ashiko, iba ama yi abenba garitem Nagaland telongi aitdaktsüba taaji taidaktsürtem tulu-tila na rongnung pei pei yari lema alitsüa akok, ajisüaka iba senji Yisu ayokba sen amai dang asütsü, iba jagi pei taküm aser kibong anisüngzüka malitsü aser aika bendenaka magishitsü. Atangji, nüngdakra yi mayoktsü ozüng lateta aliba ya agientsüa akok saka magien tashibo, tangari ozüng alema abenyonga aser ayokyonga, mitkartemibo akok tashi nokdangtsüla aser Nagaland gate alema yi case ta masü saka pongdang kata meyoktsüla. Tangbo Mokokchung nung yi apuba indang jembir saka Kohima nung dena yi talubo angur. Ibajia Assam len nungi Nagaland gate ajanga gari tulu nung bener atuba asütsü. Aji oda, Nagaland tatar senden nung tatartemi yi ayok tajungba asütsü ta jembir aser Nagaland gate nung mitkartemi odang yoker ta süra kodaser Nagaland nung yi mayoktsü ozüng zünga aliba ya takok angutsü ? Dimapur nungbo Assam len nungi Nagaland gate atena yi bener aibaji toktsür tesem kar nungbo yanglua alitsüa akok. Iba ama tangatetba mali ser sen dang ngura ojang ta ser ozüngi memelaba mapa inyaktsü jangrar alidak lima nung ozüng shitak beshinertemang nüchi masüba nübo ama kümadoker. Alima asünungji, ozüng raksartem karbosa alitsü, ajisüaka ozüng yanglurtem aser ozüng amshirtemi danga ozüng shitak mapa kuma amshitetra, iba jagi ozüng raksaba mapatemji kokadoktsü. Ozüng agi asen lima nung yi yanglutsü aser ayoktsü memelar, anungji ozüng amshirtemi Nagaland gate atena yi bener meyokra, Nagaland nung yi mangutsü aser yi mengura yi jemnyüonga mejemtettsü, anungji yi lartem aika nüchi akümstsü. Atangji, iba ya alima yimten aser shi tongpang ka dang masü saka tanela tongpang ka lir, anungji arogo lenirtemi anir kiyong shia anung yi ayokertem aser yi ayokba ki kiburtem ajurua sarasadem mapang agia jajatsübjai kanga nüngdaka kümogo. Dimapur nunga yi ya tsümartemi teimba ayoker saka tajemerbo Naga nunger teimba aser yi ayokba aser ajemba kiji Naga nunger ki, anungji itemji züngdanga, ozüng zünga aliyonga, ozüng agi masü saka tangatetba aser temeim agi yi mejemdaktsütsü aser meyokdaktsütsü asoshi tonga - tonga oa sarasademba agiba sentong ka arogo shiai agitet nungbo, Nagaland gate anükertemi menokdangtet yokyonga tayokdak tesem mekala.

OLEMSABANG

ANÜ TESANGWA ASER SENTSÜWANGSHI

~ Süpongnüsang Longkümer, Darogapathar Dimapur

Ni ya alima tsütsü nungipo kecha masüba taküm tazüngla saka Tsüngrem mapa angudang süngmangseta lemsatepber. Meimchir aser idakji aliba ajak asoshi renemtsüba rongnung tematiba Tsüngremer rongsenji Anü ya asütsü, kechaser meimchirbo sule süle saka anü kodanga tasüba maka, Anü mapa ya tesüngmangtsü, kodang pa mepet tammang nung itir Anütsüng aika adoka angur aser item shia jagi alima aser idakji aliba ajak asoshi nüngdak palala pena lir ta angazüka aru. Tongtipangsa anügo shia tesangwa agütsür aser iba sangwa nungji meimchir shia akümüli mapatem inyaka amman sangwa lemtanga aliba ama lushe palala nungi Tsüngremi yimsüsürtem ajanga meimchirtem mesür. Kechaser anüngdang Anü sangwaji mepet agi süpanga liaka Alimabo sangwatsür, aser aonung anüng nung aliba Ita aser petinutem tila tulu ajak dak Anü sangwa yalokja prangshia ngudaktsür, ya koda tesüngmangtsü ta meimchirtemi ken tenloktsür. Alima ana kuma lemtanger mmangle sangwale meteteme meimchir mesübjai shiba? Alima kin karipo tiyanglur Tsüngrem mangatete Anü külembaji-a külen bilemstsübo shidak kechaser Anü ya kecha dak-a amenloka mali aser kecha agi-a metongteter, marakzüba, aser tatsükji koma, tzüten doktetba ya mi ama aser koba dak kongshetir yimsa aor, yamaji Anü dak kongshira yimsa aotsü tashe lir ta angazüker. Ibala mesüka Tsüngrem mangatette Tsüngrem dak amanger aika lir. Tamang mekatetba Toma küm asem tashi Yisu ten jajar Pa shiabar mamangtet züpu nung temeyong asenoka kongshir ang amang anungji Yisui asüngtang nai ni angu nung amanger asü? Shiri mangu saka amangogo parnok tepeletsü; Yisu dak amanger saka paipalemra ni Yisu kar ta koda ashitsü?. Anü dak koba Petinu agi tsüktir ibaji yimsa-a aotsü, Anü ya külemtsü asoshi masü saka Tsüngrem angatetsü Pa teka mapa rongnung tulutiba lir.

Kowekati tatala, rishikangshi aser tasü arema Tsüngrem tenzükogo parnok ajaki Paji tetenzük aser tatempang Tsüngrem ta sangokja, ajaki taküm Tsüngrem kuliji Laishiba nung pentena yutsüba ajanga tanü asenoki zünga Tsüngrem angateta alima mapa ten memeyoktepbe merükmerüka amanger, aser tenzüker. Tsüngrem dak amangbaji alima uniform nung masü Temeshiba tanüla uniform Tsüngremi akinür ta angatetter. Temeshiba tanüla aser she mapa kodanga majuruteptsü. Tenaji tsükchir. Asen kibong nung Laishiba akabaji Tsüngrem ou-a ta angatetra Pa dak amangbaji tejangja. Filipi Yisu dang asüngtang Kibuba onok dang Teboji sayuang ajagi tepiri. Yisui pa tang ashi "Filip, ni nenok ten papekati liaka nai ni memetet no? shibai ni nguogo pai tebo nguogo Yoh 14:8,9 Tsüngrem amangertemi Pa mapa mangatetra koda khristar San-a ta mesüra tenzüker-a ta ajatsü?

Tiyanglur Tsüngrem Tematiba, Pa dak alema shiba ali, Pa ama ano tangar alinungpo Tsüngrem yimli koda nokdaktsü, Tsüngrem masü saka par kibong nung tenyar Lucifer liasü pai ni kotaki atutsü, Tsüngrem petinutem temaleni ni kü chuba menden ajongkettsü Isaia 14;13 iyongji kibong nungi aridok. Iba yagi Adam kibonga raksa arogo-a raksar, ou tajung saka mapa agi medentsür aser aitsür, Mapa ya obendanger ka lir. Meimchir kibong nunga chirnur ajak kasa masü ama Tsüngremi meimchir yangluba nung Mojinga yangjiang liti ta arishir. Aina nung bei tejak repranga renemshiba ama asen Tsüngrem mongmonga metettsübjai Alima aser yangji aliba ajak aser Anü, Ita aser petinutem mapa ajak agi Tsüngrem sentsü wangshitsür aser Laishibai tebo Tsüngrem, techir Yisu khrista, aser temeshi tanüla, aser asen taküm rangpen tetsüng milen. Tsüngrem külemtsü asoshi burapuchi lenmang kecha mali Pa lenmangji metong metonga lir.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

GMA sentong nung pastor John P. Kee nem tetushi agütsütsü



March 06, 2025: 2025 BMI Trailblazers Gospel Music Awards sentong nung osangtajung kentener aser pastor, John P. Kee nem tetushi agütsütsü.

John Kee ya 1995 küm Charlotte nung New Life Fellowship Center tenzükba küm nungi pa toklang pastor inyaka liasü.

Gospel Music Awards sentong ya April 3, 2025 nü Flourish Atlanta nung agitsü.

Iba sentong nung BMI-i tesüiba küm 25 tsüngda United Sates nung Khrista osangtajung kentenertem, ken mejemertem, producers aser music publishers nem tetushi agütsütsü.

Iba sentong ya BMI Tir aser CEO, Mike O'Neill aser BMI tatong tir, Catherine Brewton na lenisüba nung agitsü.

Brewton-i sangdong ka ajanga, "John P. Kee ya kentenba tsütsü atangji mangdang alir ka lir, aser pai atenba kentem ajanga küm 40

dak tali tsüngda aika kongshiogo. Pai kanga nendaka inyakba aser pa dak aliba sempet amshia osangtajung sangdongba atema pa nem tetushi agütsütsüji akhüm ka lir," ta metetdaksü.

John Kee dang 'Prince of Gospel Music' ta ajar. 1980s mapang nung pai Charlotte, N.C. nung community choir tenzükba liasü aser tangbo iba choir dangji New Life Community Choir (NLCC) ta ajar.

Küm 40 dak tali pai Hallmark, Inc., The Hawkins Family, Daryl Coley, Billy Preston, Dorinda Clark Cole, Rev. James Cleveland, Bishop Rance Allen, Florida Mass Choir, Mississippi Mass Choir, Vanessa Bell Armstrong aser Dr. James Cleveland's Gospel Music Workshop of America atema ken aika zülua mejemtsüogo.

Pai atenba ken aika films, television, commercials aser Saturday Night Live nung sayua

liasü. Pa nija sasep nung aser New Life Community Choir den külemi inayksemba ajanga pai GMWA Excellence Award 37 angu, Stellar Awards 27, BMI Awards asem, Billboard Music Awards ana, Soul Train Music Award ka, taoba mapang US Tir Bill Clinton ket nungi Trailblazer Award ka aser Grammy nominations 8 angu.

2005 küm pa International Gospel Hall of Fame nung shima liasü. 2001 aser 2005 kümtem nunga BMI Trailblazers of Gospel Music Awards nung pa nem tetushi agüja liasü.

John P. Kee ya America nung osangtajung kentener ka lir. Pa ya sobaliba kensü aser tanü-asüng kensü meyoktepa ken mejema atener ka lir.

Kee ya 1962 küm June 4 nü Durham, North Carolina, United States nung aso. Pa kinüngtsü Felice Sampson tena tanur ana- Chris Kee aser Shannon Kee na sosema lir.

Khristan 5 chioktsü atema #FaithUnchained campaign tenzük



Washington, Metsüremi/ March 06 (Agencies): International Religious Freedom Roundtable indang Working Group on Prisoners of Conscience-i linük pongu nung tepuokdak aliba Khristan pongu chioktsü atema takhangba agüja campaign ka tenzükogo, ta International Christian Concern (ICC)-i metetdaksü.

Jail nung puoka alirtemji tim masüba nung puok mesüra yimsü nung ajemdaker

reshikangshiba lir, ta kasa osang ajanga metetdaksü.

Bodhbarnü tenzükba #FaithUnchained campaign ya Khristan pongu shia dak tatalokba metetdaksütsü aser parnok tangsa chiokang ta akhangtsü atema tenzükba campaign ka lir.

Parnok pongu rongnung ka Vietnam nunger Khristan aser Montagnards Stand for Justice (MSFJ) tentetsang, Y Quynh Bdap lir. Vietnam sorkari

mepishiba nung ajemdaker Thailand sorkari pa Vietnam-i meyipa yoktsü tebilemba lir.

ICC-i mapang ajak nung Bdap osang metetpelar aser reshikangshi marem Vietnam nungi Thailand-i jena aoer Khristantem osang metetpelar.

Ano tepuokdak alirtem rongnung kaji China nung meimchir temeden atema inyaker Gao Zhisheng lir. 2017 küm pa Jia County, Yulin Municipality, Shaanxi Province nung par kidang lia sama, aser par kinüngertemi tang tashi pa kong aliar memetet.

Gao ya tang arrshi küm 60 jungogo. Pai mapang ajak nung China-i yimsü temeden alema inyakba aija aru aser Khristantem temeden atema ola adoka aruogo.

#FaithUnchained campaign kübok alima tesem balala nung international religious freedom movement lenirtem dang social media ajanga tepuokdak alir pongu indang osang sangdongtsü aser tangsa parnok chioktsü atema takhangba agütsütsü.

ANOGO ABEN TSÜNGREM DEN

Khrista ajak asoshi

Yihuda nungera masü... kechiyong nenok ajak Khrista Yisu nung ka dang.

Galatia 3: 28.

Tsüngremi ajak meimer. Yisuji ajak asoshi lir. Ibaji "tejangja" ta aseni ashitsü akok. Ibai mezüng nütsüngtem tamaser alitsüba liasü. Saka ibaji tama masü. Mezüngbuba temulung meyiper ajaklen nungi aru: Mesopotamia, Rom, Asia Minor: Ethiopia nungi temulung meyipertem aru. Idangji temelenshiba ka adok. Anüolen Khristantemi takok tulutibaji angu.

America nungertem iba senmangertem aküm, saka alima rangben asoshi osang tajungji kenken asenoki mangatetter. Aiben asenoki Yisuji asen meyong dang süner. Yisu noksaji asen nisung mesüka meyanglura asenoki aoksar. Naga limai Yisu osangji America missionary-tem ajanga bener aru, anungji Yisu noksa America nunger mesüka mesüi anüdoklen alir nisung mesüka yanglura aoksa repranger. Pa Yihuda nunger ka ta ashidang, asenoki mepelai bilemra, ibaji asenoki Pa bendanger Yisu kümdaktsüba yong lir. Asenoki mission mapa nung meyarira, Khrista ajak asoshi aruba asenoki magizüker.

Khristar benjongi ajak jaoka lir. Iba nung adentsüba jenjangji asen nüngdak Pa dang nangzüktsüla. Paji ajak Khrista, kechiaser ajak nüngdak agütsütsü asoshi Pa aru. Taidok agütsüsang aser taküm asoshi tashi-ji Pa lir.

G25 nung alima tesem balala nungi Khristan million 7-i shilem agi

March 06, 2025: Tawa tetushi lenirtem rongnung Matt Gather25 sentong nung linük Redman, Rick Warren, Jennie Allen, Christine Caine, Tim Godfrey, Sergio Hornung, Matt Maher, Dr Charles Mugisha Sinach, Andres Spyker, Mark Varughese aser Darlene Zschech nunger densema liasü.

AI technology ajanga nisung aikati ghonda 25 tekülem agia sarasademba sentong nungji shilem agiteta liasü.

Gather25 sentong ya tesem tenet nungi 'live' sayua liasü. Tongti sentongji United States, New Zealand, Malaysia, Romania, Rwanda, United Kingdom aser Peru nung agia liasü.

Iba sentong tagidak mapang nung oshi 87 nung meyipzüka item sentong live sayua liasü.

Gather25 sentongji Tenla ki aser kidang watch parties 21,000 nungi tamangertemi repranga liasü. Tamangertemi yimtsüngtem aser lokti aliba moaputem nungia repranga iba sentong nung shilem agia aden.

Philippines kübok Cebu yimti nunga moapu nung nisung 5,000 dak temai shilem agia iba sentong nung aden. US nunga God Behind Bars-i ayongzüka jail nung puoka alir 117,000-iba sentong nung aden.

Iba sentong nung tongti o jembirtem aser tekülem &

tetushi lenirtem rongnung Matt Gather25 tentetsang, Jennie Allen-i, "Onoki kulisüa angubaji kodak amai liasü. Linük ajak, kin ajak aser oshi ajak mission ka atema longjem aser iba mission ji Yisu sangdongtsü atema liasü. Iba ya sarasadem ajanga dang takok angu," ta metetdaksü.

Malawi nung pastor, Mmbongya-i, "Malawi nung aliba Dzaleka refugee camp nung agiba sentong nung alima nung aliba Arogotem dentetba atema onoki Yisu nem tenüngsang agütsür. Sarasadem aser tekülem piyong Tanela Temeshii mapa inyakba onoki nguogo," ta metetdaksü.

Gather25 sentong takok angutsü atema YouVersion, Finishing the Task, World Evangelical Alliance, RightNow Media, Bible Gateway, Revive Europe aser Arise Asia densema Arogo tentet aser melungtet telok aikati yaritepa liasü.

AO OSHI ANGAZÜKDAK:**TANÜ ANGAZÜKTSÜBA OJANG****Teküp**

(n)temang meibangba shilem (skin)

* Shiruru teküp agi tsüngsem aser süoshi yanglur.

Teküpbangtsü

(n) shibangtsü aser nembangtsü atema amshiba oset (cover, lid)

* Chipo teküpbangtsü teti merüka ayutsüla.



Tir Yimyim

OLONG PAITEP # 7083

1				2				3		4
5		6								
							7			
8										
										9
		10				11				
				12				13		
14										
						15				
16										

TIPIEN

2. Auonungchiyongtsüasenba

-(7)

5. Mangyimba mapang

-(5)

7. O tamendakdak

-(4)

8. Peidak malangba

-(7)

10. Juli

-(7)

12. Sen ayudak

-(7)

14. Tenük agi ajitet

-(4)

15. Tamajung aküm

-(5)

16. Apuso

-(7)

LANGTSÜNGLEN

1. Lenmang

-(7)

2. Aor kidong ka tenüng

-(6)

3. Tenarong maten

-(6)

4. A _ _ _ g

-(3)

6. Mopung apodoka

-(3)

ola adokdaksüba

-(3)

9. Tongtipang tagitsü

-(7)

10. Menungra bilem

-(6)

11. Aiür

-(6)

13. S _ _ _ k

-(3)

14. T _ _ _ r

-(3)

OLONG PAITEP # 7082 TELANGZÜBA**TIPIEN :**

1. Yiar, 3. Tesola, 7. Yimra,

8. Tangar, 9. Peria, 10. Tanur,

11. Tasen, 13. Lemjem, 15. Tambu,

16. Khuret, 17. Sang.

LANGTSÜNGLEN :

1. Yimti, 2. Amen, 4. Shiner,

5. Alaka, 6. Satan, 9. Putet,

10. Tembar, 11. Tatok,

12. Amang, 14. Jala.

NAI-A YA METETTER MA**2025 OSCAR NUNG TAKOK ANGURTEM**Best picture

WINNER: Anora

Best actress

WINNER: Mikey Madison - Anora

Best actor

WINNER: Adrien Brody - The Brutalist

Best supporting actress

WINNER: Zoe Saldña - Emilia Pérez

Best supporting actor

WINNER: Kieran Culkin - A Real Pain

Best director

WINNER: Sean Baker - Anora

Best international feature

WINNER: I'm Still Here - Brazil

Best animated feature

WINNER: Flow

Best original screenplay

WINNER: Anora - Sean Baker

Best documentary feature

WINNER: No Other Land

Manipur Anghi mamatzü tali adokdaksütsü jenjang agiba lemsatep**Imphal, Metsüremi/March 6**

(Agencies): Manipur Angh Ajay Kumar Bhalla-i White Revolution koba dang Operation Flood ta ajar, iba ajanga mamatzü tali adokdaksütsü atema fodder aser tanga osettem agütsütsü asoshi sorkari takokba tashi inyakba indang metetdakja liasü.

Pai Brehostibarnü Raj Bhavan nung senden ka amenba mapang Bishnupur District Milk Co-operative Union Ltd. (BIMUL) representatives tem den sensaksema liasü.

Senden nung BIMUL indang

representatives temi Angh nem state ajunga aser talisa Bishnupur district nung par lokti tentet inyakyim indang metetdaksü aser fodder supply agi anüngba aser shishilembadak shishilembatsü atema lenmang sadema lapoka maliba densema mamatzü producers temi ajangshiba tetsükdaksütem lemsatepa liasü.

Kasa mapang nung Anghi, dairy farmer tem nongita yaritsü atema jenjang agiba atema BIMUL nem tenüngsang agütsü aser parnoki ajangshiba

tetsükdaksütem bentettsütsü asoshi takokba tashi jenjang agitsü tenangzüka agüja liasü.

Dairy farming asoshi ajungshia Anghi ashiba agi, iba ajanga state nung White Revolution takok ngua benoka inyaktettsü aser iba den aluyimertem nem senotsü aatsü atema maongka agütsütsü aser state rongsenketzüng ajungkettsütsü.

Paisa, Manipur nung kümshia mamatzü tone 82,000 adokdaksür, saka takhangba peritsütsü atema iba dang nungi tali adokdaksütsü nüngdaker, ta ashi.

Assam sorkari ozüing alema nakmati atudak 263 jangjaogo**Guwahati, Metsüremi/****March 6 (Agencies):**

Assam sorakri Bodhbarnü sangdong ka ajanga ashiba agi, ketdangsürtemi state kübok ozüing alema nakmati atudak 263 aliba putetogo. Item nakmati atudak ya autonomous councils ana kübok lir.

Sorkraisa, assembly nung ashiba agi, parnoki taoba küm asem tsüngda ozüing alema atuba nakmati ton 25,630 dak tema puogo.

Independent MLA Akhil Gogoi-i ken o ashishiba telangzüba agütsüba mapang Mines and Minerals Minister

Kaushik Rai-i ashiba agi, ketdangsürtemi North Cachar Hills Autonomous Council (NCHAC) kong Dima Hasao district densema lir iba tesem nung nakmati atudak 248 ngutetogo.

Kasa mapang nung Karbi Anglong Autonomous Council kübok East Karbi Anglong aser West Karbi Anglong district nung ozüing alema nakmati atudak 15 ngutetogo.

National Green Tribunal (NGT)-i, 2014 küm rat-hole mining atema tenokdangba agütsüogo. Tenokdangba agütsür liaka Northeast nung ozüing alema nakmati aturtemi

lendong aketba tasatem amshia nakmati maneni atur.

Rai-isa, nakmati aturtemi Dibrugarh, Tinsukia, aser Charaideo district tem nunga nakmati tudar, ta ashi saka pai item tesemtem nung rat-hole mining indang osang tejangja magütsü.

January 6 nü Umrangso tesem nung ozüing anema inyaksangshiba 3-Kilo Coal Quarry ka tzü agi metsüngbangba sülen mapa inyaker teku sabanga liasü.

Anogo aika lir ketdangsürtemi item nisungtem idang tasü mang shir lia nguteta liasü.

Mizoram MP-i Chinland Council camp semdang

Mizoram MP K. Vanlalvena-i Myanmar nung Chinland Council den ajurutepe parnok India nung adentsü jaokogo.

Aizawl, Metsüremi/March 6**(Agencies):**

Mizoram MP K. Vanlalvena-i taoba hopta Chinland Council indang camp aser office tem semdangogo, shirnoki India den arrtsü len north-west Myanmar nung tesem balala aziöker lir.

Iba camp semdangba mapang pai parnok dang India nung adentsü jaok. Myanmar nung sorkar tejangja ka maliba aser parnok kin tsüngda tesendaktepa aliba indang tetshia pai parnok jaoka liasü.

Vanlalvena ya Mizo National Front (MNF) nungi Rajya Sabha MP ka lir aser pai agency ka dang ashiba agi, pai tetsüing agi Mizoram nungi Myanmar-i mao tsüngda Mizoram Angh V.K. Singh aser Assam Rifles nem osang agütsüogo.

Council züngsemtem den tesendaktep yanglutsü atema

pai iba jenjang agi, kechiyong parnoki arrtsü nung aliba tesemtem aziöker lir.

Myanmar nung sorkar maliba ajanga iba telok yagi iba tesem taoba ita trok tashi achaayanga aruba mapang ka nung pai iba tesem semdangogo.

Myanmar nung 2021 küm February ita military-i sorkar atsüngba sülen juntai aziöker aliba tesemtem aika telungpur telok balalai aziöker lir.

Myanmar kübok Chin-Kuki-Zo kin nungi refugee 40,000 shi Mizoram nung jenoka lir aser parnok nem MNF sorkari teyari agütsüdar.

Vanlalvena-i Chinland Council indang headquarters aser Chin National Front Army indang Camp Victoria semdanga liasü.

Paisa, parnok tsüngda tesendaktep tajung alitsü

nüngdaker kechiyong parnoki Mizoram-Myanmar arrtsü nung tesemtem aziöker lir ta ashi.

Iba tesem semdangtsü atema sorkar nungi temelaba agi magi ta asüngdangba mapang MP-i, "iba ya jurila sentong ka liasü. Hopta ana tejakdang ni Angh aser Assam Rifles nem osang agütsüogo. Ni Delhi-i meyipa aoba mapang ni Home Minister aser External Affairs Minister den ajuruteptsü aser iba senden indang tenaprongla nem metetdaksütsü," ta pai ashi.

India aser Myanmar ya arrtsü ya Arunachal Pradesh, Nagaland, Manipur, aser Mizoram nung km 1,643 lir.

Free Movement Regime (FMR) kübok arrtsü nung atsü atsüa maliba tesem nung km 10 tashi sadem sadema senzüsönpongsü melar.

"Myanmar tsütsü alirtem Mizo nung lir. Onok ka dang; khen khenbo parnoki onok nüngdaker aser onokia parnok nüngdaker. Adianu ama ni India sorkari nungi temelaba agir parnok tebilemtsü tem bentettsütsü asoshi ken o kecha ali mali aji metetner. Ni parnok India nung adentsü jaokogo, kechiyong Myanmar sorkar techirep den kasa dang aser military atsüingnogo. Parnoki dang melungra parnok India nung dentettsü," ta MP yagi ashi.

SÜR KÜM KAAJUNGBA BILEMTETER

I.SATEMMENLA JAMIR
(12 Dec. 1958 - 07 Mar. 2024)**"Onok mang ayimer, kechiaser onoki na meimer"**

Temeim Oja,

Onok taküm nung na mali tanü küm ka ajunger.

Onok jakdang yuja aliba atema onok merenemi liasü;

Ajisüaka, nai onok den temeim yutsüba,

Ajanga anogoshi onok len anir.

Onoki na menungrar;

Asen ki nung tesangwa aser tepela,

Onok jenokdak.

Na tetsü tajung ka liasü,

Aser onoki na menungrar.

**Temeim Kinungbo, Chirnur,
Semchir aser Kinunger ajak.**

MULUNGNEN O

ASO
March 5, 1925ASÜ
February 24, 2025**M. Imdanglemla Jamitsür**

Onoki teti meima aliba tsürabur asür Imdanglemla Jamitsür, Molungyimsen. La temang manemi alidang aser la alima nungi pilaba mapang nungi la lep nung meyutsü tashi kija, kibong, kiyonger, lokti balala, Arogo aser yimtsür-yimer ajaki nübo, rongsen den sarasadem agi onok yariogo.

Onoki tsüngdong arua nenok den pelaba melemsatetba asoshi sasar saka onoki temulung taroktiba nungi Tebu Tsüngremi nenok moajang ta sarasademsür.

- Temeim Chirnurtem, Kinungertem aser Semchirtem.

GOVERNMENT OF NAGALAND

DIRECTORATE OF HEALTH AND FAMILY WELFARE

NAGALAND: KOHIMA

No.DHFW-13/DC/Recruitment-Lab/2024-25/9057

/Dated Kohima the 6th March 2025

NOTICE

In pursuance of advertisement No.DHFW-13/DC/Recruitment-Lab/2024-25/ Dated Kohima, the 22nd January 2025 regarding engagement of personnel to 08 Posts under Nagaland State Drugs Testing Laboratory (NSDTL), this is for information to all applicants that the roll numbers of the shortlisted candidates and date of interview is published in the department website :<https://nagahealth.nagaland.gov.in/> and also displayed in the notice board of the Drugs Control Administration, Directorate of Health and Family Welfare.

SD/-

(DR.E.MOTSUTHUNG PATTON)

Principal Director

Directorate of Health and Family Welfare
Nagaland : Kohima**ALI TAYOKTSÜ LIR**

Showuba Police Station sülen @ Rs. 280 Per Sqft.

Contact : 8131884162

Trump-i amokmerenba ajanga Netanyahu ajungmesor: Hamas

Cairo, Metsüremi/March 06 (Agencies): US Tir Donald Trump-i tanen makai Palestine nunger amokmerenba ajanga Israel Ato Kilonser Benjamin Netanyahu ya Gaza ceasefire nungi ainshitsü aser Gaza tali amaktsü ajungmesor, ta Hamas-i Brehostibarnü ashi.

Bodhbarnü Trump-i Hamas dang, sür alirtem densema pua alir ajunga khen lir masü tangsa chiokang, aji mesüra nenok asoshi tatembang asütsü, ta ashi.

Hamas odongtar Abdel-Latif Al-Qanoua-i Reuters dangi text message ka yokba nung, "Israel nunger tepuokdak anünga alirtem chioktsü asoshi lenmang tajungtibaji occupation tem phase tanabuba nung meraloka mediators ajanga agreement yanglua zülutepa aliba sülen anidakba ya alitsü," ta ashi.

January ita nungi tenzükba Gaze ceasefire noklem

Gaza ceasefire ya Trump indang envoy den US tir menden yutsüsang Biden administration nungi envoy temi jembia renemba lir. Parnoki ceasefire phase tanabuba nung tanünga hostages ajunga chioktsü ayongzüka lir, aser iba mapang rara tatem kati arutsü atema sentong tatembangba indang jembitsü.

Ceasefire noklem mezüngbuba Honibarnü tembangogo, aser iba sülen Israel-i Gaza telungi aiba osettsüset ajunga nokdanga Hamas dang tanünga hostages tem chioktsü akhangar saka rara tembangtsü asoshi jembishinü masür.

Iba tenokdangba ya ajanga Gaza nung aliba nisung 2.3 million ya achi-ajemtsü makai yasa-tzüra tenzüktsü ta Palestine nungeri ashir.

Hamas aser Israel tsüngta ceasefire agreement asoshi jembishinüba angüsü agi kisüng sendaka lir, aser United States-i indang indanga Hamas den ken o jembir.

(Maneni tapak 8 nung...)

Russia ya Europe asoshi timtem lir: Macron

Brussels, Metsüremi/March 06 (Agencies): Transatlantic tesendaktep tsütsü Trump administration tangatetba balaka akumba mechi European Union lenirtem Brussels nung ajungben senden amentsü renemtepba mapang, Russia-i pei litsü alema oa tashiyim amshiba nung tazüokba mali aser ibai Europe asoshi timtem lir, ta France Tir Emmanuel Macron-i ashi.

"Tanü iba Russia yagi Ukraine nung anentsü ta shibai amangtsü?" ta Macron-i Bodhbar aonung television ajanga jembidang ashi.

EU züngsem 27 lenirtem

ajunga Brehostibarnü defence summit atema adenshitsu, koba Oval Office nung taoba hopta US Tir Donald Trump aser Ukraine Tir Volodymyr Zelenskyy tsüngta senden mejungi mentetba sülen tang mezüngbuba senden alitsü.

Ukraine leniri US den mangatetep aliba mineral deal ka nung meyongnem agütsütsü mulungba sülen Trump-i Zelenskyy tsütsü jembishinüba anüka kumogo. Iba tezüngzüktep melen Washington-i security guarantee agütsütsüla ta Zelenskyy-i tekong meranga nokdakba yong Trump ain adok.

Soviet Union tebilemstü

anema 1949 küm tenzükba North Atlantic Treaty Organization (NATO) nung Ukraine adentsü ya kodanga asangsang makumtsü ta Washington-i ashir aser Europe nungi American sepaitem anizüker aotsü amokmeren aser European allies tem dang parnok defence tsütsü sen tali indoktsü ashir.

Ukraine rara tatem kati arudaktsütsü mechi Trump-i par European allies medeni Russia Tir Vladimir Putin den jembir. Pai sangdong ka nung iba rara atema Ukraine tenüng asen, koba Moscow-i 2022 küm Ukraine amakba ajanga tenzük.

(Maneni tapak 8 nung...)

**MINISTRY OF
CORPORATE
AFFAIRS**
GOVERNMENT OF INDIA



**GOVERNMENT OF NAGALAND
DIRECTORATE OF YOUTH RESOURCES AND SPORTS
NAGALAND : KOHIMA**

NO.DYRS/YS-C/MISC/2013-25

Kohima, Dated the 6th March 2024

The Department of Youth Resources and Sports, Government of Nagaland, invites eligible candidates to apply for the Prime Minister's Internship Scheme, implemented by the Ministry of Corporate Affairs, Government of India. This scheme aims to provide internship opportunities to youth in top 500 companies in India.

District wise Internship Opportunity offered in Nagaland in PM Internship Scheme- Pilot Project			
Sl. No.	District	Qualification	Number of Internship Opportunities
1.	Mon	10 th pass	2
2.	Dimapur	10 th pass	29
		Diploma	2
		Graduation	1
		ITI	7
3.	Kohima	10 th pass	1
		Graduation	1
		ITI	2
4.	Mokokchung	10 th pass	1
		Diploma	2
		Graduation	2
		ITI	4
5.	Peren	10 th pass	1
6.	Phek	10 th pass	2
7.	Zunheboto	10 th pass	2
Total Internship Opportunity in the State			59

Internship Details : i) Duration : 12 months
ii) Stipend : Rs. 5000 per month
iii) One-time financial assistance : Rs. 6000

Eligibility Criteria : i) Candidates must be 21-24 years old, unemployed, and not in full-time education.
ii) No family member should be a government employee or have an income exceeding Rs. 8 lakh in FY 2023-24.

How to Apply:

- Candidates are advised to carefully go through the official guidelines before proceeding with the registration.
- Eligible candidates must register at www.pminternship.mca.gov.in and complete the application process as per the instructions provided.
- Upon successful registration, candidates are requested to contact the Department at 8974716323 for any assistance and to ensure smooth facilitation of their application.

Last Date for Application: 12th March 2025

Sd/-

DIRECTOR

YOUTH RESOURCES AND SPORTS

Mushfiqur Rahim ODI asaya nungi anenogo



Metsüremi/March 6, 2025

(Agencies): Bangladesh nung veteran wicketkeeper-batter Mushfiqur Rahim ODI asaya nungi anenogo. Pa team ICC Champions Trophy group stage nung tsukatokba sülen pai iba telemtetba agia liasü.

Pa asaya nungi anenba indang Bodhbarnü Instagram ajanga sangdongba mapang arishi küm 37 tain Mushfiqur-i, "ni tanü nungi tenzüka ODI format nungi asaya anenba sangdonger. Ajak atema

tsüngrem tenüng asanger. International jenjang nung onoki takok tajung aikabo mongutetaka, ni linük tenüng nungi asayatsü atema asayaba tesemi aiba shia ni bendanga agüja aser ochi shia noklang nung noklang shilem meranga asayaogo," ta ashi.

"Taoba hopta ishika ya kü atema kanga tasak laisü aser iba ya kü tarutsü asütsü ta ni yimdangi arua liasü. Tatemsa ni ozü kibong, medemertem aser fan tem dang kanga pelar,

shirnok atema ni taoba küm 19 tashi cricket asayaogo," ta paisa shisem.

Mushfiqur ya Bangladesh tenüng nung asayaba asayartem rongnung ajak dang tajangshiba timtiba bener aliba aser takok tajungtiba ngur aliba asayar rongnung ka lir.

Pa 2006 küm mezüngbuba ODI nung asaya liasü. Pa asoshi ODI nung mezüngbuba asaya ya Zimbabwe den Harare nung asaya.

Küm terteku tashi linük tenüng nungi asayaba mapang Mushfiqur-i ODI asaya 274 nung run 7,795 yanglua liasü. ODI asaya nung Pa indang average 36.42 liasü. Pai century 9 aser half century 49 yanglur asaya nungi anenogo.

Item statistics tem ajanga pa ya taoba mapang opener Tamim Iqbal sülen Bangladesh nunger takok tajungtiba anguba asayartem rongnung tanabuba jenjang nung toktsüogo. Tamim-i run 8,357 yanglua liasü.

Wicketkeeper ka ama Mushfiqur-i catch 243 agi aser stumping 56 süja liasü.

2026 World Cup final nung Super Bowl mesüka sentong ka agitsü

Metsüremi/March 6, 2025

(Agencies): 2026 küm New Jersey nung World Cup final asayaba mapang Super Bowl mesüka half-time show ka agitsü, ta world football tekolakba Gianni Infantino-i Bodhbarnü ashi.

Coldplay band members Chris Martin aser Phil Harvey nati artists shirnokisa iba sentong nung shilem agitsü aji shimtsü ta FIFA tir Infantino-i ashi.

"Ni New York/New Jersey nung FIFA World Cup final asayaba mapang mezüngbuba half-time show ka agitsü aliba indang metetdaksür," ta Infantino-i Instagram nung zülutsü.

"Iba ya FIFA World Cup atema otsüsütsüka asütsü aser alima nung asaya tulutiba den peta iba sentong ya agitsü," ta paisa shisem.

2026 küm iba asayamung

ayongzüka masaya tsüngda FIFA indang commercial aser media partner tem den Dallas nung senden ka amenba sülen Infantino-i iba telemtetba agiba ya sangdonga liasü. 2026 küm iba asayamung ya United States, Canada aser Mexico nung asayatsü.

Ajisiüka half-time show ya mapang kobika agitsü mesüra iba sentong dak sendakba nung osang tejangja Infantino-i magütsü.

Iba telemtetba agiba ya taoba küm Miami nung Copa America final asayaba mapang sentong ka ayongzüka agiba den mesükteper asütsü. Hard Rock Stadium nung iba half-time sentong nung Colombia tsür Shakira-i shilem agia liasü.

Kasa mapang nung Infantino-i ashiba agi, asayamung tatembangbuba hopta New York indang Times Square ya agitsü FIFA sentong lir.

BENDANGLI OSANG :

Tapak 7 nungi...

Trump-i amokmerenba ajanga Netanyahu...

"Item ya tang tejembidak, ni iba indang tejangja yangi mashitsü, America nunger takum lendong nung lir," ta White House press secretary Karoline Leavitt-i Bodhbarnü ashi.

Hamas den indang indanga jembishinüba nung Trump-i special envoy for hostage affairs asoshi shimsang Adam Boehler-i shilem agia liasü.

Hamas ketdangsüria Israeli-US senso Gaza nung pua aliba indang jembishinür ta shiogo.

Hamas ya kiralongrar telok ka ta 1997 küm US-i sangdonga nokdangba sülen iba telok den taoba mapang indang indanga jembishinüba yimjak nung US-i sangdonga mali.

Indang indanga jembishinütsü atema US-i shisa agitepogo, ta Israel-ia ashir.

America nunger senso

Edan Alexander densema takum alir nisung 24 aser tasüman 35 shi tang tashi Gaza nung yua lir südi ta amanger, ta Israel ketdangsür temi ashir.

Israel-Hamas ceasefire noklem mezüngbuba tembanger Israel-i ano atsülangtsü atema jembir aser Hamas-ibo January nung züngzüktepba ama noklem tanabuba tenzüksü nenshiba mapang iba osang ya arur.

Ceasefire noklem mezüngbuba nung Hamas-i pua alir nisung 33 chiok aser iba melen Israel-i tepuokdak yua aliba Palestine nunger 2,000 dak tema chiok.

Rara anenba noklem mezüngbuba atsülangtsü benokba ya US envoy for the Middle East, Steve Witkoff-i yangluba lir, ta Israel-i ashir.

Sentong tasenba nung Hamas-i tanünga pua alir tesadang ka chioktsü aser iba melen ceaefire atsülangtsü aser

teti yimjung nung alitsü atema jembishinütsü nangzüksü shia lir. Israel-i Palestine nunger tepuokdak aliba ano chioktsü indang kecha mashi, koba noklem mezüngbuba nung tongtipang mapa ka liasü.

Ceasefire noklem mezüngbuba tembangba sülen Israel-i Deobarnü nungi tenzüka totzü, chiyongtsü aser mozü densema humanitarian aid Gaza nem agütsüba anenja lir, kechiaser Israel sorkari Hamas dang terms tasenba agizükdaktsüner, saka Palestine nunger telok yagi iba mera ya mezüng züngzüktepba nung aibelener ta ashir.

Borhbarnü France, United Kingdom aser Germany linük temi Israel dang teyari oset ya "political tool" ama mamshitsü ashi aser tetsükdaktsü makai nüngdakba osettsüset yoktsü ashi.

Russia ya Europe asoshi timtem lir...

Tangbo Washington-i military aid aser Ukraine den itdangiterba lemsatepba anenogo, koba Russia anema Kyiv indang defence tsütsü kanga tongtipang lir.

Ukraine indang policy melenshiba ajanga US tembartem aoksar aser EU lenirtemi yimjak nung Washington dak tamang makatetba indang jembir. World War II sülen continent nung rara tulutiba anentsü

asoshi tezüngzüktep yangludang Kyiv aser Europe tejangraba mezüngshitsü ta parnoki tsübor.

Russia nungeri tashiyim amshidang kija nokdaktsü Europe renema alitsüla, ta Macron-i tekumtangtsü ashi. "US asen den alitsü ta ni amanga liner. Saka yamaji mesüra asenok renema alitsüla," ta Macron-i ashi.

"Europe tarutsü tia Washington mesüra Moscow

nung melemtettsüla," ta pai ashi.

France leniri taruba hopta European linüktem nungi Ukraine-i sepai yoktsü mulunga aliba army chiefs tem den senden ka amentsü sentong lir ta ashi.

British Prime Minister Keir Starmer densema danga European lenirtemi Zelenskyy agizüker aser hopta tatemlen London nung jembishinüadang parnoki Ukraine yaritsü pangjemshi.



Metsüremi/March 6, 2025

(Agencies): India nunger nüngtugu cricket asayar Virat Kohli, ICC ODI rankings nung batter tem rongnung 4bubai tuogo. ICC Champions Trophy nung Deobarnü Australia den semi-final asayaba mapang kanga junga asayaba sülen pa jenjang junga kümogo.

Kohli-i kanga junga asayaba sülen India-i wicket pezü agi Australia akok aser final-i iogo, kong parnok New Zealand den asayatsü.

ODI batting charts nung Kohli jenjang ka tejakdangi atu saka India captain Rohit Sharma jenjang ana asepzüka lua tang pongububa nung lir. Sharma-i Champions Trophy nung India team batting amenba mapang tetenzüklen run aika yanglua toktsütsü asoshi rangloker asaya arudar.

Champions Trophy nung Kohli-i run 217 yanglua lir, koba iba asayamung nung run timtiba yanglurtem rongnung pezübuba lir. Sharma-i tang

tashi nung run 104 yanglur lir aser pa top run-scorers list nung 25buba nung lir. Pai asaya pezü nung run timtiba yanglubaji 41 asütsü.

Kasa mapang nung India vice-captain Shubman Gill ICC ODI batting rankings nung maneni temaba jenjang nung lir aser pa sülen tanabuba jenjang nung Pakistan nunger asayar Babar Azam lir.

ODI all-rounders' list nung India nunger asayar Axar Patel-i rating point 194 ngua tang 13bubai tuogo, koba pa asoshi tang tashi nung ranking tajungtiba lir.

India nunger pace Mohammed Shami-a bowler tem indang ranking nung jenjang asem tejakdangi tua tang 11buba nung lir.

Bowler tem rongnung Sri Lanka nunger asayar Maheesh Theekshana maneni temaba jenjang nung lir aser pa sülen tanabuba jenjang nung South Africa nunger asayar Keshav Maharaj lir.

BILEMDANGANG

"Anogoshia ya tetenzük tasen ka lir."